

药性歌括四百味

明

龚廷贤

撰

5.1  
55

# 药性歌括四百味

〔明〕 龚廷贤 撰

上海科学技术出版社

## 内 容 提 要

本书是学习中药知识的初级读物。全书共包括常用中药四百味相近，采用歌诀形式，将每味药用四句四言句子，写出了药物的性味和功能主治，小注内又附述了炮制、禁忌等项，简明扼要，易读易记。

全书文字不多，表达明确，可供农村中医带徒使用。

### 药性歌括四百味

明·龚廷贤 撰

上海科学技术出版社出版

(上海瑞金二路450号)

本书由上海发行所发行，上海新华印刷厂印刷

开本 787×1092 1/32 印张 0.75 字数 11,000

1958年11月第1版，1982年2月第13次印刷

印数：485,001—705,500

统一书号：14119·518 定价：0.09元

## 药性歌括四百味

諸藥之性，各有奇功，溫涼寒熱，補瀉宣通。  
君臣佐使，运用于衷，相反畏惡，宜忌不同。

- 人參味甘，大補元氣，止渴生津，調榮養衛。去芦用。反藜蘆。
- 黃芪性溫，收汗固表，托瘡生肌，氣虛莫少。綿軟如箭干者。泡傷生用，補虛靈。
- 水炒用。
- 白朮甘溫，健脾強胃，止瀉除濕，兼祛痰痞。去芦。淘米泔水洗，薄切晒干，或
- 陳東壁土炒。
- 茯苓味淡，滲濕利竅。白化痰涎，赤通水道。去黑皮。中有赤筋要去淨，不
- 損人目。
- 甘草甘溫，調和諸藥。炙則溫中，生則瀉火。一名國老。能解百毒。反甘遂、海
- 藻、大戟、芫花。
- 當歸甘溫，生血補心，扶虛益損，逐瘀生新。酒浸，洗淨切片。體肥痰盛，姜汁浸
- 晒。身養血，尾破血，全活血。
- 白芍酸寒，能收能補，瀉痢腹痛，虛寒勿與。有生用者，有酒炒用者。
- 赤芍酸寒，能瀉能散，破血通經，產後勿犯。宜生用。
- 生地微寒，能消濕熱，骨蒸煩勞，兼消破血。一名苜，音戶。產懷慶府者佳。宜

酒洗，竹刀  
切片晒干。

熟地微温，滋肾补血，益髓填精，乌须黑发。用怀庆生地黄，酒拌蒸至黑色，竹刀

切片，勿犯铁器。忌萝卜、葱、蒜。用姜汁炒，除膈闷。

麦门甘寒，解渴祛烦，补心清肺，虚热自安。水浸，去心用，不令人烦。

天门甘寒，能治肺痈，消痰止咳，喘热有功。水浸，去心皮。

黄连味苦，泻心除痞，清热明眸，厚肠止痢。去须。下火，童便。痰火，姜汁。

伏火，盐汤。气滞火，吴萸。肝胆火，猪胆。实火，朴硝。虚火，酒炒。

黄芩苦寒，枯泻肺火，子清大肠，湿热皆可。去皮枯朽。或生，或酒泡。

黄柏苦寒，降火滋阴，骨蒸湿热，下血堪任。去粗皮。或生，或酒，或蜜，或童便，

或乳汁炒。一名黄蘗。

梔子性寒，解郁除烦，吐衄胃痛，火降小便。生用清三焦实火，炒黑清三焦郁热，

又能清曲风之火。

连翘苦寒，能消痈毒，气聚血凝，湿热堪逐。去梗心。

石膏大寒，能泻胃火，发渴头疼，解肌立安。或生，或煨。一名解石。

滑石沉寒，滑能利窍，解渴除烦，湿热可疗。细腻洁白者佳，粗纹青黑者勿用。研

末，以水飞过。

贝母微寒，止咳化痰，肺痈肺痿，开郁除烦。去心。黄白色轻松者佳。

大黄苦寒，实热积聚，蠲痰润燥，疏通便闭。

柴胡味苦，能泻肝火，寒热往来，疟疾均可。去芦。要北者佳。

前胡微寒，宁嗽化痰，寒热头痛，痞闷能安。去芦。要软者佳。

升麻性寒，清胃解毒，升提下陷，牙痛可逐。去须。青绿者佳。

桔梗味苦，疗咽肿痛，载药上升，开胸利壅。去芦。洁白者佳。

紫苏叶辛，风寒发表。梗下諸气，消除胀滿。叶背面并紫者佳。  
麻黄味辛，解表出汗，身热头痛，风寒发散。去根节，宜陈久。止汗用根。  
葛根味甘，祛风发散，温疟往来，止渴解酒。白粉者佳。  
薄荷味辛，最清头目，祛风化痰，骨蒸宜服。一名鸡苏。龙脑者佳。辛香通窍而散风热。

防风甘温，能除头晕，骨节痹疼，諸风口噤。去芦。  
荆芥味辛，能清头目，表汗祛风，治疮消瘀。一名假苏。  
細辛辛温，少阴头痛，利窍通关，风湿皆用。华阴者佳。反藜芦。能发少阴之汗。

羌活微温，祛风除湿，身痛头疼，舒筋活血。一名羌青。目赤赤要。  
独活辛苦，頸項难舒，两足湿痹，諸风能除。一名独搖草。  
知母味苦，热渴能除，骨蒸有汗，痰咳皆舒。去皮毛。生用泻胃火。酒炒泻肾火。  
白芷辛温，阳明头痛，风热瘙痒，排脓通用。一名芳香。可作面脂。

藁本气温，除头巔頂，寒湿可祛，风邪可屏。去芦。  
香附辛苦，快气开郁，止痛調經，更消宿食。即莎草根。忌铁器。  
乌药辛温，心腹胀痛，小便滑数，順气通用。一名旁其，一名天台乌。  
枳实味苦，消食除痞，破积化痰，冲墙倒壁。如龙眼，色黑，陈者佳。水浸去穢，切片麸炒。

枳壳微温，快气宽肠，胸中气結，胀滿堪尝。水浸去穢，切片麸炒。  
白蔻辛温，能祛瘴翳，益气調元，止呕和胃。去壳取仁。  
青皮苦温，能攻气滞，削坚平肝，安胃下食。水浸去穢，切片。  
橘皮苦温，順气宽膈，留白和胃，消痰去白。温水略洗，刮去穢。又名陈皮。

蒼朮苦温，健脾燥湿，发汗宽中，更祛瘴疫。米泔水浸透，搽去黑皮，切片炒。

厚朴苦温，消胀泄满，痰气泻痢，其功不缓。要厚如紫瑩者佳。去粗皮，姜汁炒。

南星性热，能治风痰，破伤强直，风搐自安。姜汤泡透，切片用。或为末装入牛

胆内，名曰牛胆南星。

半夏味辛，健脾燥湿，痰厥头疼，嗽呕堪入。一名守田。反乌头。滾水泡透，切

片，姜汁炒。

藿香辛温，能止呕吐，发散风寒，霍乱为主。或用叶，或用梗，或梗叶兼用。

檳榔辛温，破气杀虫，祛痰逐水，专除后重。如鸡心者佳。

腹皮微温，能下膈气，安胃健脾，浮肿消去。多有鸡粪毒，用黑豆汤洗净。

香薷味辛，伤暑便涩，霍乱水肿，除烦解热。陈久者佳。

扁豆微温，轉筋吐泻，下气和中，酒毒能化。微炒。

猪苓味淡，利水通淋，消肿除湿，多服損腎。削去黑皮，切片。

泽泻甘寒，消肿止渴，除湿通淋，阴汗自退。去尾。

木通性寒，小肠热闭，利窍通經，最能导滞。去皮，切片。

车前子寒，溺涩眼赤，小便能通，大便能实。去壳。

地骨皮寒，解肌退热，有汗骨蒸，强阴凉血。去骨。

木瓜味酸，湿肿脚气，霍乱轉筋，足膝无力。酒洗。

威灵苦温，腰膝冷痛，消痰祛癖，风湿皆用。去芦，酒洗。

牡丹苦寒，破血通經，血分有热，无汗骨蒸。去骨。

玄参苦寒，清无根火，消肿骨蒸，补肾亦可。紫黑者佳。反藜芦。

沙参甘苦，消肿排脓，补肝益肺，退热除风。去芦。反藜芦。

丹参味苦，破积調經，生新去恶，祛除带崩。反藜芦。

苦参味苦，痲肿疮疥，下血肠风，眉脱赤癩。反藜  
苦。

龙胆苦寒，疗眼赤疼，下焦湿肿，肝经热烦。

五加皮温，祛痛风痹，健步坚筋，益精止瀝。

防己气寒，风湿脚痛，热积膀胱，消痲散肿。

地榆沉寒，血热堪用，血痢带崩，金疮止痛。如盧寒水泻，  
切宜忌之。

茯神补心，善镇惊悸，恍惚健忘，兼除怒恚。去皮。

远志气温，能驱惊悸，安神镇心，令人多记。甘草湯浸一宿，  
去骨晒干。

酸枣味酸，敛汗驱烦。多眠用生，不眠用炒。去核取  
仁。

菖蒲性温，开心利窍，去痹除风，出声至妙。去毛。一寸九节  
者佳。忌铁器。

柏子味甘，补心益气，敛汗润肠，更疗惊悸。去壳取仁。  
即柏实。

益智辛温，安神益气，遗溺遗精，呕逆皆治。去壳取仁，  
研碎。

甘松味香，善除恶气，开郁醒脾，心腹痛已。

小茴性温，能除疝气，腹痛腰疼，调中暖胃。盐水  
炒。

大茴味辛，疝气脚气，肿痛膀胱，止呕开胃。即藜香  
子。

干姜味辛，表解风寒。炮苦逐冷，虚热尤堪。紙包水浸，慢火  
煨至极黑，亦有

生用  
者。

附子辛热，性走不守，四肢厥冷，回阳功有。皮黑，头正圆，一  
两一枚者佳。面

裹火煨，去皮脐，童便浸一宿，慢火煮，  
晒干密封，旋切片用，亦有该生用者。

川乌大热，搜风入骨，湿痹寒疼，破积之物。頂歪斜。制  
同附子。

木香微温，散滞和胃，诸风能调，行肝泻肺。形如枯木，苦  
口粘牙者佳。

沉香降气，暖胃追邪，通天彻地，卫气为佳。

丁香辛热，能除寒呕，心腹疼痛，温胃可晓。雄丁香如釘子长，  
雌丁香如枣核大。



砂仁性温，养胃进食，止痛安胎，通經破滯。去壳取仁。

毕澄茄辛，除胀化食，消痰止咳，逐寒暖胃。系檄胡椒，青时摘取者是。

肉桂辛热，善通血脉，腹痛虚寒，温补可得。去粗皮，不见火。妊娠用要炒黑。厚

者肉桂，薄者官桂。

桂枝小梗，横行手臂，止汗舒筋，治手足痹。

吳萸辛热，能調疝气，心腹寒疼，酸水能治。去梗，湯泡微炒。

延胡气温，心腹卒痛，通經活血，跌扑血崩。即玄胡索。

薏苡味甘，专除湿痹，筋节拘攣，肺痈肺痿。一名穿谷米。去壳取仁。

肉蔻辛温，脾胃虚冷，泻痢不休，功可立等。一名肉果。面包煨熟，切片，紙包

捶去油。

草蔻辛温，治寒犯胃，作痛呕吐，不食能食。建宁有淡紅花內白色子者是眞。

呵子味苦，涩肠止痢，痰嗽喘急，降火斂肺。又名呵黎勒。六棱黑色者佳。火

煨去核。

草果味辛，消食除胀，截疟逐痰，解瘟辟瘴。去壳取仁。

常山苦寒，截疟除痰，解伤寒热，水胀能宽。酒浸切片。

良姜性热，下气温中，轉筋霍乱，酒食能攻。結实秋收名紅豆蔻。善解酒毒，

余治同。

山查味甘，磨消肉食，疔疝催疮，消膨健胃。一名糖楸子，俗呼山里紅。蒸，

去核用。

神曲味甘，开胃进食，破积逐痰，調中下气。炒黄色。

麦芽甘温，能消宿食，心腹膨胀，行血散滯。炒。孕妇勿用，恐墮胎元。

苏子味辛，驅痰降气，止咳定喘，更潤心肺。

白芥子辛，专化胁痰，疝蒸痞块，服之能安。微炒。

甘遂苦寒，破癥消痰，面浮蠱胀，利水能安。反甘草。

大戟苦寒，消水利便，腹胀癥坚，其功瞑眩。反甘草。

芫花寒苦，能消胀蠱，利水泻湿，止咳痰吐。反甘草。

商陆苦寒，赤白各异。赤者消风，白利水气。一名章柳。

海藻咸寒，消瘿散癥，除胀破癥，利水通闭。粤海带、昆布，散结溃坚功同。

反甘草。

牵牛苦寒，利水消肿，蠱胀疝癖，散滞除壅。黑者風水力速，白者屬金力迟。并

取头末用。

葶藶辛苦，利水消肿，痰咳癥瘦，治喘肺痛。隔紙略炒。

瞿麦苦寒，专治淋病，清热破血，通經立应。

三棱味苦，利血消癖，气滞作痛，虚者当忌。去毛，火煨切片，醋炒。

五灵味甘，血痢腹痛。止血用炒，行血用生。

莪朮温苦，善破疝癖，止痛消痰，通經最宜。去根。火煨切片，醋炒。

干漆辛温，通經破瘕，追积杀虫，效如奔马。搗，炒令烟尽，生则损人肠胃。

蒲黄味甘，逐瘀止崩。补血須炒，破血用生。

苏木甘咸，能行积血，产后月經，兼治扑跌。

桃仁甘平，能潤大肠，通經破瘀，血瘦堪尝。湯浸，去皮尖，研如泥。

姜黄味辛，消痛破血，心腹結痛，下气最捷。

郁金味苦，破血生肌，血淋溺血，郁結能舒。

金銀花甘，疗痛无对，未成則散，已成則潰。一名忍冬，一名鷓絲藤，一名金釵

股，一名老翁須。

漏芦性寒，去恶疮毒，补血排脓，生肌长肉。一名野兰。

蒺藜味苦，疗疮瘙痒，白癩头疮，翳除目朗。

白芨味苦，功专收敛，肿毒疮疡，外科最善。

蛇床辛苦，下气温中，恶疮疥癩，逐瘀祛风。

天麻味甘，能驱头眩，小儿惊痫，拘攣瘫痪。

白附辛温，治面癩疵，血痹风疮，中风痰湿。

全蝎味辛，却风痰毒，口眼喎斜，风痲发搐。去毒。

蝉蜕甘寒，消风定惊，杀疳除热，退翳侵睛。

僵蚕味咸，诸风惊痫，湿痰喉痹，疮毒癩痕。去絲，酒炒。

蜈蚣味辛，蛇虺恶毒，止痉除邪，祛风逐瘀。头足赤者佳。炙黄，去头足用。

木鳖甘寒，能追疮毒，乳痈腰疼，消肿最速。

蜂房咸苦，惊痫瘰癧，牙疼肿毒，瘰癧乳痈。

花蛇温毒，瘫痪喎斜，大风疥癩，诸毒称佳。口有四擦牙，头戴二十四朵花，尾上

有似指甲者是。  
出蕲州者佳。

蛇蛻辟恶，能除翳膜，肠痔蠱毒，惊痫搐搦。

槐花味苦，痔漏肠风，大肠热痢，更杀蛔虫。

鼠粘子辛，能除疮毒，癩疹风热，咽疼可逐。一名牛蒡子，一名大力子，一

名恶实。

茵陈味苦，退疸除黄，泻湿利水，清热为凉。

红花辛温，最消瘀热，多则通经，少则养血。

蔓荆子苦，头疼能治，拘攣湿痹，泪眼堪除。

兜铃苦寒，能熏痔漏，定喘消痰，肺热久嗽。去膈膜。根名青木香，散气。

百合味甘，安心定胆，止嗽消浮，痈疽可啖。

秦艽微寒，除湿荣筋，肢节风痛，下血骨蒸。新好罗纹者佳。

紫菀苦辛，痰喘咳逆，肺痈吐脓，寒热并济。去芦。

款花甘温，理肺消痰，肺痈喘咳，补劳除烦。要嫩蕊，去干。

金沸草温，消痰止嗽，明目祛风，逐水尤妙。一名旋复花，一名金锦花。

桑皮甘辛，止嗽定喘，泻肺火邪，其功不浅。风寒新嗽生用，虚劳久嗽蜜水炒用。

去紅皮。

杏仁温苦，风寒喘嗽，大肠气闭，便难切要。单仁者泡去皮尖，麸炒入药。双仁者

有毒，杀人，勿用。

乌梅酸温，收敛肺气，止渴生津，能安泻痢。

天花粉寒，止渴祛烦，排脓消毒，善除热痢。

瓜蒌仁寒，宁嗽化痰，伤寒结胸，解渴止烦。去壳用仁。重紙包，砖压去油用。

密蒙花甘，主能明目，虚翳青盲，服之效速。酒洗，蒸过晒干。

菊花味甘，除热祛风，头晕目赤，收泪殊功。家園內味甘黃小者佳。去梗。

木賊味甘，疏肝退翳，能止月經，更消积聚。

决明子甘，能祛肝热，目疼收泪，仍止鼻血。

犀角酸寒，化毒辟邪，解热止血，消肿毒蛇。

羚羊角寒，明目清肝，却惊解毒，神志能安。

龟甲味甘，滋阴补肾，逐瘀續筋，更医顛顛。即敗龟板。

鳖甲咸平，劳嗽骨蒸，散瘀消肿，去痞除崩。去裙，蘸醋炙黃。

海蛤味咸，清热化痰，胸痛水肿，坚軟結散。

桑上寄生，风湿腰痛，安胎止崩，疮疡亦用。

火麻味甘，下乳催生，潤腸通結，小水能行。微炒，磚擦去亮，取仁。

山豆根苦，疔咽腫痛，敷蛇虫傷，可救急用。俗名金鎖匙。

益母辛苦，女科為主，產後胎前，生新去瘀。一名荒蔚子。

紫草苦寒，能通九竅，利水消腫，痘疹最要。

紫葳味酸，調經止痛，崩中帶下，癥瘕通用。即凌霄花。

地肤子寒，去膀胱熱，皮膚瘙癢，除熱甚捷。一名鉄掃帚子。

棟根性寒，能追諸虫，疼痛立止，積聚立通。

樗根味苦，瀉痢帶崩，腸風痔漏，燥濕澀精。去粗皮，取二層白皮切片，酒炒。

澤蘭甘苦，痲腫能消，打扑傷損，肢體虛浮。

牙皂味辛，通關利竅，敷腫痛消，吐風痰妙。去弦、子、粗皮。不蛀者佳。

蕪荑味辛，驅邪殺虫，痔瘻癬疥，化食除風。火燉用。

雷丸味苦，善殺諸虫，癩癘蠱毒，治兒有功。赤者殺人，白者佳。甘草煎水。

泡一宿。

胡麻仁甘，疔腫惡瘡，熟補虛損，筋壯力強。一名巨勝。黑者佳。

蒼耳子苦，疥癬細瘡，驅風濕痺，瘙癢堪嘗。一名梟耳。實多刺。

蕪仁味甘，風腫爛弦，熱脹餐肉，眼淚立痊。

青葙子苦，肝熱毒，暴發赤障，青盲可服。

谷精草辛，牙齒風痛，口瘡咽痺，眼翳通用。一名戴星草。

白薇大寒，疔風治疔，人事不知，熱邪堪却。

白藜微寒，兒疔驚癇，女陰腫痛，疔疔可啖。

青蒿氣寒，治疔效好，虛熱盜汗，除骨蒸勞。

茅根味甘，通關逐瘀，止吐衄血，客熱可去。

大小薊苦，消腫破血，吐衄咯唾，崩漏可啜。

枇杷叶苦，偏理肺脏，吐噎不已，解酒清上。布拭去毛。

木律大寒，口齿良药，瘰癧能治，心煩可却。一名胡桐泪。

射干味苦，逐瘀通經，喉痹口臭，痈毒堪凭。一名乌鬘根。

鬼箭羽苦，通經活絡，驅邪止痛，杀虫祛結。一名卫矛。

夏枯草苦，瘰癧瘰癧，破癥散結，湿痹能療。冬至发生，夏至枯瘁。

卷柏味辛，癥瘕血閉，风眩痿躄，脫肛下血。

马鞭味苦，破血通經，癥瘕痞块，服之最灵。

鶴虱味苦，杀虫追毒，心腹卒痛，蛇虫堪逐。

白头翁寒，清热凉血，瘰癧疮疖，止痛百节。

旱蓮草甘，生須黑发，赤痢可止，血流可截。

慈菇辛苦，疔肿痛疽，恶疮癰疹，蛇虺并施。

榆皮味甘，通水除淋，能利关节，敷肿痛定。取里面白皮。切片晒干。

鈎藤微寒，疔儿惊癇，手足瘰癧，抽搐口眼。苗类鈎鈎，故名鈎藤。

豨薟味甘，追风除湿，聪耳明目，乌須黑发。蜜同酒浸，九晒为丸服。

葵花味甘，带痢两功。赤治赤者，白治白同。

辛夷味辛，鼻塞流涕，香臭不聞，通窍之剂。去心毛。

續随子辛，恶疮蠱毒，通經消积，不可过服。一名千金子，一名拒冬实。去皮壳。

取仁，紙包压去油。

海桐皮苦，霍乱久痢，疖腫疥癬，牙疼亦治。

石南藤辛，腎衰脚弱，风淫湿痹，堪为妙药。一名鬼目。

鬼臼有毒，辟瘟除恶，杀虫驅蠱，风邪煩惑。

大青气寒，伤寒热毒，黄汗黄疽，时疫宜服。

侧柏叶苦，吐衄崩痢，能生须眉，除湿之剂。

槐实味苦，阴疮痒湿，五痔肿疼，泻热凉血。即槐角黑子也。

瓦楞子咸，妇人血块，男子痰癖，癥瘕可瘥。即蚶子壳。火煨醋淬。

椴櫚子苦，禁泄涩痢，带下崩中，肠风堪治。

冬葵子寒，滑胎易产，癯利小便，善通乳难。即葵菜子。

淫羊藿辛，阴起阳兴，坚筋益骨，志强力增。即仙灵脾，俗呼三枝九叶草也。

松脂味甘，滋阴补阴，驱风安脏，膏可贴疮。一名瀝青。即松香。

复盆子甘，肾损精竭，黑须明眸，补虚续绝。去蒂。

合欢味甘，利人心智，安脏明目，快乐无虑。即交枝树。

金樱酸涩，梦遗精滑，禁止遗尿，寸白虫杀。霜后红熟者佳。去核用。

楮实味甘，壮筋明目，益气补虚，阴痿当服。

郁李仁酸，破血润燥，退肿利便，关格通导。碎核取仁，汤泡去皮，研碎。

没食子苦，益血生精，染须最妙，禁痢极灵。即无食子。

空青气寒，治眼通灵，青盲赤肿，去暗回明。

密陀僧咸，止痢医痔，能除白癩，诸疮可治。即金炉底。

伏龙肝温，治疫安胎，呕吐咳逆，下血心烦。即灶心土。取年深色变褐者佳。

石灰味辛，性烈有毒，辟虫立死，能去瘰肉。陈久者佳。

穿山甲毒，痔癖恶疮，吹奶肿痛，通经排脓。俗呼炮甲。用砂炒醋淬。

蚯蚓气寒，伤寒瘟疫，大热狂言，投之立应。

蜘蛛气寒，狐疝偏痛，蛇虺咬涂，疔肿敷用。腹大黑色者佳。

蟾蜍气凉，杀疔蚀癖，瘟疫能治，疮毒可祛。

刺猬皮苦，主医五痔，阴肿疝痛，能开胃气。

蛤蚧味咸，肺痿咯血，传尸劳瘵，纳气定喘。

蝮蛄味咸，治十水肿，上下左右，效不旋踵。俗呼土狗，虫类。

蝸牛味咸，口眼喎僻，惊癇拘攣，脱肛咸治。

桑螵蛸咸，淋浊精泄，除疝腰疼，虚损莫缺。即螳螂种。

田螺性冷，利大小便，消肿除热，醒酒立见。浊酒煮熟，挑肉食之。

象牙气平，杂物刺喉，能通小便，诸疮可瘳。

水蛭味咸，除积瘀坚，通经破血，折伤可痊。一名蝮蝗。

贝子味咸，解肌散结，利水消肿，目翳清洁。

蛤蜊肉冷，能止消渴，酒毒堪除，开胃顿豁。

海粉味咸，大治顽痰，妇人白带，咸能软坚。即海石。火煨研。如无，以蛤粉代之。

石蟹味咸，点目肿翳，解蛊胀毒，催生落地。

海螵蛸咸，漏下赤白，癥瘕疝气，阴肿可得。一名乌贼鱼骨。

无名异甘，金疮折损，去瘀止痛，生肌有准。

青礞石寒，硝煨金色，墜痰消食，奇妙莫测。用焰硝同入鍋內，火煨如金色者佳。

磁石味咸，鉄毒能杀，鎮惊安神，阳潜气纳。即吸鉄石。

花蕊石寒，善止諸血，金疮血流，产后血涌。火煨研。

代赭石寒，下胎崩带，儿疳泻痢，鎮逆定癇。火煨用。

黑鉛味甘，止呕反胃，癭瘤虫聚，安神定志。

銀屑味辛，謔語恍惚，定志养神，鎮心明目。



金屑味甘，善解热毒，癩狂惊痫，調和血脉。

狗脊味甘，酒蒸入剂，腰背膝痛，风寒湿痹。根类金毛狗脊。

骨碎补温，折伤骨节，风血积疼，最能破血。去毛。即猴姜。

茜草味苦，蟲毒吐血，經带崩漏，损伤虚热。

預知子貴，治一切风，疝癖气块，消食杀虫。

留行子苦，調經催产，除风痹痿，乳痛当啖。即剪金子花。取酒蒸，火焙。

狼毒味辛，破积瘦癥，恶疮鼠瘻，毒杀痛定。

藜芦味辛，最能发吐，肠澼泻痢，杀虫消蠱。取根去头用。川黄速为使，恶大

黄，畏葱白，反芍药、細辛、人参、沙参、玄参、苦参、丹参，切勿同用。

蓖麻子辛，吸出滯物，涂頂肠收，涂足胎出。去壳取仁。

藜拔味辛，温中下气，疝癖阴疝，霍乱泻痢。

百部味甘，骨蒸劳瘵，杀疳蛔虫，久嗽功大。

京墨味辛，吐衄下血，产后崩中，止血甚捷。

黄荆子苦，善治咳逆，骨节寒热，能下肺气。又名荆实。

女貞实苦，黑发乌須，强筋壮力，去风补虚。一名冬青子。

瓜蒂苦寒，善能吐痰，消身肿胀，并治黄疸。即北方甜瓜蒂也。一名苦丁香。

散用则吐，丸用则泻。

栗壳性涩，泄痢嗽怯，脘腹疼痛，服之即除。不可輕用。蜜水炒。

巴豆辛热，除胃寒积，破癥消痰，大能通痢。一名江子，一名巴椒。反牵牛。去

角。看症制用。

夜明砂糞，能下死胎，小儿无辜，瘰癧堪裁。一名伏翼糞，一名蝙蝠屎。

斑猫有毒，破血通經，諸疮瘰癧，水道能行。去头翹足，糯米炒用。